

2016 ko Andre Maria Zuriaren JAIAK

iragartzeko kartel lehiaketa



“2016ko Andre Maria Zuriaren jaiak” iragartzeko kartela aukeratzeko lehiaketarako deialdia egin du Gasteizko Udalak.

OINARRIAK:

1. 2016ko Gasteizko Andre Maria Zuriaren jaiak iragartzeko kartel ofiziala hautatzea izango da lehiaketaren xedea.
2. Egile bakoitzak gehienez bi lan aurkeztu ahal izango ditu, jatorrizkoak, argitaratu gabeak eta beste inongo lehiaketatan saritu gabeak.
3. Kartelaren neurriak: 70 cm goi-behe, 50 cm zabal.
4. Paperezko euskarria: Kartelek, ezinbestean, luma-kartoiaren gainean joan beharko dute, kristalik gabe. Horrela aurkeztu ezean, baztertu egingo dira.
5. Euskarri informatikoa: Paperean ez ezik, CD batean ere aurkeztu beharko da kartelaren irudia, JPG edo TIFF formatuko bi artxibotan: bata 72 dpi-tan eta bestea 300 dpi-tan, azken hori 5 mm-ko koskarekin. Lehiaketa fasean egileak baimena eman beharko du aurkeztutako lana Gasteizko Udalaren web-orrian argitaratzerik izan dadin.
6. Teknika: Kolorea eta teknika, aukeran.
7. Testu hau agertu beharko da (euskara lehenetsunezko lekuan):

Vitoria-Gasteiz

Jaiak, Andre Maria Zuriaren ohoretan Fiestas en honor de la Virgen Blanca

Eredu hauetako bat baliatuz jarri beharko dira datak:

A eredia

2016ko abuztuaren 4tik 9ra
Del 4 al 9 de agosto de 2016

B eredia

2016
Abuztuak 4 - 9 Agosto

8. Irabazle suertatzen den kartelean erakunde-marka nahiz beste batzuk sartu ahal izango ditu Gasteizko Udalak, litezkeen babesleenak barne. Hori dela eta, konposizioaren goiko aldean — ezkerrean— eta beheko aldean —eskuinean— testu edo irudirik ez jartzea gomendatzen da.
9. Aurkezteko epea: 2016ko **maiatzaren 2tik 13ra** bitartean, astelehenetik ostiralera: 08:00-20:30 | Larunbatean: 10:00-13:30 | Igande eta jaiegunetan: itxita
10. Aurkezteko lekua: **Landatxo gizarte etxea**, Santa Maria kalea, 4; 01001 Vitoria-Gasteiz—. Argibideetarako telefonoak: 945 16 12 73 eta 010.
11. Identifikazioa: Lanak sinadurarik gabe aurkeztu beharko dira —ez paperean, ez euskarri informatikoan—. Identifikatzeko, lema bat idatzi beharko da kartelaren atzealdean eta CDan. Kartelarekin batera gutun itxi bat aurkeztu beharko da, kanpoaldean lema idatzita. Barruan, datuak adierazi beharko dira —egilearen izen-deiturak, helbidea, telefono zenbakia eta jaiotza data—, eta aitorten sinatu bat sartu, non adierazten den aurkeztu den lana jatorrizkoa dela, eta argiratu gabea. Lehiaketak dirauen bitartean, hots, irabazlearen izena jakitera eman arte, ezingo da egilearen identitatearen berri publikoki eman, inolaz ere.
12. Sariak:
 - 12.1. 1.500 euroko sari bakar bat emango da.
 - 12.2. Pertsona Fisikoen Errentaren gaineko Zergaren mende egongo da saria, indarrean den legediaren ildotik.
 - 12.3. Saria eman gabe utzi ahal izango da, aurkeztu diren lanek kalitate plastiko eta tekniko aski ez badute. Hori gertatuz gero, epaimahai teknikoak administrazio-azotasuna Araban duen edo bertan jaioa den artista edo diseinatzaile grafiko bati eskatu ahal izango dio kartela egiteko.

12.4. Saria ordaintzen duelarik, Gasteizko Udalak erosi egingo du irabazle suertatzen den kartela, eta haren egileak kartelaren gaineko jabego intelektualari dagozkion eskubide ekonomikoak oro modu esklusiboan berari emango.

Udalak libreki ustiatu ahal izango du kartela, edozein modutan ustiatu ere, hala nola erreproduzitu, banatu, jendaurrean zabaldu edo itxuraldatu, Jabego Intelektualaren Legearen Testu Bateratuko 26. artikuluan adierazitako epearen baitan, eta eskubidea izango du obra edozein bitarteko edo euskarri ukigai nahiz ukiezin baliatuz agerrarazteko. Orobat izango du eskubidea mundu osoan obraren ustiapen komertziala bideratzeko — edozein euskarri edo formatutan erreproduzitzeko eskubidea eta zabalkundea emateko nahiz publikoki komunikatzeko eskubideak barne—, horretarako edozein modu baliatzen duelarik ere.

Berariaz sartzen da horren baitan lana on-line jarri edo emateko nahiz internet motako sare digital interaktiboan bitartez eskuragarri jartzeko eskubidea. Era berean, edozein komertzializazio-euskarritan ere erreproduzitu ahal izango du kartela Udalak, dela zuzenean, dela hirugarren bati ustiapen hori baimenduz.

12.5. Inprimaketa hobetzeko kartelean zerbait aldatzeko beharra ikusiz gero, hala egin dadila erabaki ahal izango du Gasteizko Udalak, egilearekin hitz egin ondoren.

13. Kartel irabazlea aukeratzeko:

13.1. 1. fasea: Kartel finalistak hautatzea

- Arabako Diseinu Grafikoaren Profesionalen Elkarteak aukeratutako hiru adituk osatutako epaimahai teknikoak lau-sei kartel finalista hautatuko ditu aurkeztu diren lan guztien artean.

- Horretarako, alderdi hauek izango ditu kontuan: sormena, kalitate grafikoa nahiz plastikoa, deigarritasuna eta erreproduzitu nahiz editatzeko erraztasuna.

- Oinarrien irizpide teknikoak betetzen ez dituzten lanak hautatze prozesutik kanpo uzteko ahalmena izango du epaimahaiak, hautatze prozesuaren edozein unetan.

13.2. 2. fasea: Kartel finalistak bozkatzea

- Herri bozketaren bitartez puntuazioaren % 75 emango da, eta gainerako % 25a Arabako Diseinu Grafikoaren Profesionalen Elkarteak aukeratutako bi adituk osatutako epaimahai teknikoak erabakiko du.

- Herritarrek Gasteizko Udalaren web-orrian (www.vitoria-gasteiz.org) eta 010 telefonoan eman ahaliko dute botoa, Herritarren Udala Txartela baliatuz. Bozketan parte hartzen dutenek datu hauek eman beharko dituzte: HUTaren zenbakia, izena, 1. deitura, 2. deitura, jaioteguna eta telefonoa.

- **Maiatzaren 18tik 23ra** arte bozkatu ahaliko da, biak barne.

13.3. Maiatzaren 30etik aurrera jakinaraziko da zein den irabazlea, web-orrian eta prentsa ohar baten bidez.

13.4. Bozketan parte hartzen duten herritarren artean opari bat zozketatuko da (60 euroren kultura-txartela).

14. Udalak, egoki baderitza, jendaurreko erakusketa egin ahal izango du aurkeztu diren artean hautatutako kartelekin —nolanahi ere, irabazlea zein den jakitera eman ondoren—.

15. 2016. urteko kartel lehiaketa honetan parte hartzeak oinarri hauek onartzea ekarriko du berekin, baita epaimahaiaren erabakia ere, eta, horrenbestez, ezingo da horien kontra jo.

16. Kartelak itzultzea: Saria irabazten ez duten lanak utzi ziren tokian jaso ahal izango dira, 2016ko irailaren 12tik 23ra bitartean, astelehenetik ostiralera: 08:00-20:30 | Larunbatean: 10:00-13:30 | Igande eta jaiegunetan: itxita. Epe hori igaro ondoren, egokien iruditzen zaiona egin ahal izango du Gasteizko Udalak jaso gabeko lanekin.

